

SCRIPT OF MORNING GOJRI NEWS BULLETIN 24SEP 2026 1015HRS

مارننگ گوچری نیوز بولٹن 24 ستمبر 2026

یوہ آکاشوانی جموں ہے عبدالرحمان تیں خبر سُنو۔

LG PEMA DELEGATION

پشمنہ صنعتی و کاریگر فونڈیشن غا ایک وفد جس غی قیادت طارق ڈار کر رہیا تھا۔ نے کل لیفٹیننٹ گورنر منوج سنہا سنگ ملاقات کی تے اُنہاں نانہہ اُن آلی پی ای ایم اے پشمنہ ہنر کاریگر اعزاز تقریب غا بارا مانہہ آگاہ کیو۔ اسے دوران آئی سی آئی بینک غا جموں کشمیر تے لداخ گا ڈونل سربراہ سندھپ شرما نے وی کل لیفٹیننٹ گورنر منوج سنہا سنگ ملاقات کی۔

CM ALOHA

وزیر اعلیٰ عمر عبداللہ نے کل الوبا ٹہنی حساب پروگرام غو جموں کشمیر غا سرکاری سکولوں تک پُجان ور زور دتو اُنہاں نے کہیو جے تعلیمی نظام گا ہر حصہ سنگ تعلق رکھن آلا بچاں نانہہ یکساں مواقع فراہم کرن تے اُنہاں نانہہ قومی بین العقوامی سطح ور مقابلہ کرن واسطے ضروری مہارتاں سنگ آراستہ کرن غی ضرورت ہے سرینگر غا شیر کشمیر بین لاقوامی کنونشن مرکز مانہہ منعقدہ الوبا قومی سطح گا مقابلہ 2026 غی اعزاز تقریب سنگ خطاب کرتا واں وزیر اعلیٰ نے کہیو جے تعلیم تے صحت حکومت غی 2 اولین ذمے داری ہیں اُنہاں نے کہیو جے خطہ غی مجموعی ترقی واسطے ان شعباں مانہہ مسلسل سرمایا کاری ناگزیر ہے وزیر اعلیٰ نے کہیو جے تعلیم ہر چیز غی بُنیاد ہے تے تعلیم غے بغیر ہم کے حاصل کرسکاں۔

LA PVT MEMBERS BILLS

جموں کشمیر مانہہ شراب ور پابندی عائد کرن غے متعلق ترے پرائیوٹ ممبر جنہاں نانہہ رواں سال فروری تا اپریل جموں مانہہ منعقدہ قانون ساز اسمبلی غا بجٹ اجلاس غے دوران پیش نی کیو سکتو تھو اج غی اسمبلی غی کاروائی غی فہرست مانہہ شامل کرلیو گیو ہے ہُن امکان ہے کہ ان بلاں ور بحث ہوسکے کیونجے موجودہ خزاں اجلاس غے دوران پرائیوٹ ممبرز بلاں واسطے دو دن مقرر کیا گیا ہیں قانون ساز اسمبلی سیکرٹریٹ غی جانب تیں جاری کاروباری شیڈیول غے مطابق اسمبلی مانہہ مجموعی طور ور 35 پرائیوٹ ممبرز بل پیش کرن واسطے درج کیا گیا ہیں اج تیں علاقہ 28 ستمبر گو تہاڑو وی پرائیوٹ ممبرز بلاں واسطے مقرر کیو گیو ہے۔

CAS NC VISIT

چیف آف انٹر اسٹاف، انٹر چیف مارشل اے پی سنگھ نے اہم شمالی کمانڈ غا علاقہ غو دورو کیو تے اُت موجود حالات تے فوجی تیاریاں گو جائیزو لیو۔ دفاعی ترجمان نے کل یہ جانکاری دتی۔ دورہ غے دوران شمالی کمانڈ غا سربراہ لیفٹیننٹ جنرل پرتیک شرما نے ادھمپور مانہہ کمانڈر غا ہیڈ کوارٹر مانہہ انٹر چیف مارچل نانہہ اہم فوجی صورتحال تے بکھ بکھ فوجی اداراں غے بشکار بہتر تال میل واسطے جاری کوششاں غا بارا مانہہ جانکاری دتی۔ انٹر چیف مارشل نے فوج غی آپریشنل صلاحیتاں ور پورو اعتماد ظاہر کیو۔ اُنہاں نے کہیو کہ ویسٹرن انٹر کمانڈ تے شمالی کمانڈ غے بشکار ہر سطح ور بہترین تال میل دیکھن نانہہ لبو ہے۔

ITOO AYURVEDA DAY

صحت تے طبی تعلیم غی وزیر سکینہ اتو نے کل کہیو کہ ایک صحت مند معاشرہ واسطے صرف اسپتال تے دوائی کافی نی ہیں بلکہ لوکاں مانہہ بیداری ، بیماریاں گو بچاؤ ، صحت مند طرز زندگی تے قدرتی وسائل غو ذمے داری تیں استعمال کرنو وی ضروری ہے۔ سکینہ اتو نے یاہ گل ڈائریکٹوریٹ آف آیوش جموں کشمیر غی جانب تیں منعقدہ 11 واں آیورویدا تہاڑا 2026

غی تقریبات تیں خطاب کرتا وقت کہی۔ اس سال تقریب غو موضوع ، صحت مند مستقبل واسطے
ایورویدا تھو۔

CS TEMPLE INAGURATION

چیف سیکرٹری اٹل ڈلو نے گزشتہ روز سرینگر مانہ نوا سرے تیں تیار کیا گیا شیتل ناتھ مندر
غو افتتاح کیو۔ انہاں نے کہیو کہ یوہ مندر سرینگر شہر غا تاریخی ورثہ غو ایک اہم حصو
ہے۔ انہاں نے ایسا تاریخی مقامات نانہ محفوظ رکھن تے انہاں نانہ آن آلی نسلان توڑی پُجان
غی ضرورت ور زور دتوجناب اٹل ڈلو نے کہیو کہ شیتل ناتھ مندر غی گہری تاریخی تے
مزہبی اہمیت ہے۔

BANKS OPEN SUNDAY

وزارت خزانہ نے دسیو ہے کہ تمام سرکاری بینک تے ریجنل رورل بینک اتار 27 ستمبر نانہ
کھلا ریں گا۔ وزارت نے کہیو کہ یوہ فیصلو یونائیٹڈ فورم آف بینک یونینز غی جانب تیں 28 تیں 30
ستمبر توڑی ملک گیر بینک ہڑتال غی کال غے پیش نظر لیو گیو ہے۔ اس تیں پہلاں 26 تے 27
ستمبر نانہ چھٹی ہے۔ وزارت نے دسیو کہ ریزرو بینک آف انڈیا نے تمام بینک برانچاں ، دفتراں
، اے ٹی ایم تیں منسلک برانچاں تے کرنسی چیسٹ نانہ اتار غے روز وی مکمل طور ور کم
کرن غی اجازت دتی ہے۔

KIWI GROWER UDH

سال غی عمر مانہ سابق فوجی محمد اسلم بھٹ یوہ دس رہیو ہے کہ جدید طریقہ تیں کھیتی 60
ہاڑی دیہی علاقان مانہ نوا مواقع پیدا کرسکے۔ ادھمپور ضلع غا چینی علاقہ تیں تعلق رکھن آلا
اسلم نے فوج تیں ریٹائرمنٹ تیں بعد جدید باغبانی کا طریقہ اپنا غے اپنی زمین نانہ ایک کامیاب
نامیاتی کیوی باغ مانہ تبدیل کردتو تقریباً 6 کنال زمین ور پھیلے ان غا باغ مانہ ہر سال
تقریباً 18 تیں 20 کونٹل اعلیٰ معیار غی کیوی پیدا وے۔

ADOLESCENT EDUCATION RBN

رام بن ضلع مانہ سکول کا اساتذہ واسطے نو عمر بچاں غی تعلیم کا موضوع ور ایک تربیتی
پروگرام منعقد کیو گیو۔ یوہ تربیتی پروگرام ڈائٹ بائہال غی جانب تیں رام بن ضلع مانہ منعقد
کیو گیو۔ اس پروگرام مانہ جے کے بوس تے جے کے اے سی ایس نے وی تعاون کیو۔ علاقہ
کا بکھ بکھ سکولان کا اساتذہ نے پروگرام مانہ حصو لیو تے انہاں نانہ نوڈل کونسلر کا طور
ور تربیت دتی گئی۔ اس پروگرام غو بنیادی مقصد ، نو عمر بچاں مانہ جنسی صحت، ایچ آئی وی
، ایڈس تیں بچائو تے صفائی ستھرائی کا بارا مانہ اہم معلومات تے بیداری پیدا کرنو ہے۔
